

Pitanje: Da li se nepredviđeni radovi od 5% obračunavaju samo jednom u završnoj rekapitulaciji ili posebno unutar svake faze i ponovo u rekapitulaciji?

Nepredviđeni radovi mogu se obračunavati unutar svake pojedinačne faze, u skladu sa stvarno izvedenim i odobrenim radovima. Na kraju se njihov zbir iskazuje i u završnoj rekapitulaciji.

Pri tome je bitno naglasiti da ukupan iznos nepredviđenih radova, kada se saberu sve faze, ne može preći 5% od ukupne vrijednosti ugovorenih radova. Dakle, 5% predstavlja ukupno dozvoljeni limit za nepredviđene radove na nivou cjelokupnog ugovora, a ne dodatnih 5% za svaku fazu.

2. Pitanje: Da li je procijenjena vrijednost radova od 450.000,00 KM iskazana sa PDV-om ili bez PDV-a i predstavlja li maksimalnu prihvatljivu vrijednost ponude?

Procijenjena vrijednost radova od 450.000,00 KM iz tačke 5. Javnog poziva predstavlja procijenjenu vrijednost radova bez PDV-a.

Ponuđači su dužni u Obrascu ponude (Aneks 1) iskazati ukupnu cijenu ponude bez PDV-a, iznos PDV-a i ukupnu cijenu sa PDV-om.

Navedeni iznos od 450.000,00 KM predstavlja procijenjenu vrijednost nabavke i ne predstavlja izričito propisanu maksimalnu prihvatljivu vrijednost ponude. Ocjena ponuda vršit će se na osnovu kriterija utvrđenih Javnim pozivom i uslova iz tenderske dokumentacije.

Ugovorena vrijednost bit će vrijednost prihvaćene ponude, iskazana u skladu sa Aneksom 1 i Nacrtom ugovora.

3. Pitanje: Da li postoji najkraći rok izvođenja i najduži garantni rok koji će se bodovati?

Javnim pozivom je propisano da maksimalni rok izvođenja radova iznosi 60 kalendarskih dana od dana uvođenja Izvođača u posao, dok minimalni garantni rok za izvedene radove iznosi 24 mjeseca od dana primopredaje.

Rok izvođenja i garantni rok predstavljaju kriterije za izbor ekonomski najpovoljnije ponude i boduju se sa po 5 bodova.

Ponuđači mogu ponuditi kraći rok izvođenja od maksimalno propisanih 60 kalendarskih dana, kao i duži garantni rok od minimalno propisana 24 mjeseca.

Maksimalni broj bodova za navedene kriterije dodjeljivat će se u skladu sa metodologijom ocjene ponuda koju primjenjuje Naručilac, pri čemu će se vrednovati ponuđeni rok izvođenja i ponuđeni garantni rok.

Rok izvođenja i garantni rok ponuđač iskazuje u Obrascu ponude (Aneks 1).

4. Pitanje: Koji je minimalni iznos police osiguranja iz člana 18. Nacrta ugovora?

Minimalni iznos police osiguranja od odgovornosti prema trećim licima iz člana 18. Nacrta ugovora utvrdit će se prilikom zaključivanja ugovora, uzimajući u obzir konačno ugovorenu vrijednost radova i uobičajene zahtjeve osiguranja za ovu vrstu ugovora.

Navedeni iznos bit će definisan ugovorom, a Izvođač je dužan dostaviti odgovarajuću policu osiguranja prije uvođenja u posao, odnosno u skladu sa uslovima utvrđenim Nacrtom ugovora.

Do tada se odredba člana 18. Nacrta ugovora smatra uslovom koji će biti preciziran prilikom zaključivanja ugovora.